



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

7. De Agonia & Sudore sanguinea.

---

[urn:nbn:de:hbz:466:1-60091](https://nbn-resolving.de/urn:nbn:de:hbz:466:1-60091)

Ixius prosequendam. En quomodo  
vnigenitus Filius Dei omni omnia  
destituitur solatio à Patre non exau-  
ditur: à discipulis, etiā carissimis:  
somno grauatis, deseritur: tot insuper  
angoribus obruitur, ut meritò exclā-  
mare posset: *Aedificauit in gyro meo, cir-  
cumdedit me felle & labore. Sed & cum  
clamauero & rogauero, exclusit orationem  
meam. Et sustinui, qui simul contristare-  
& non fuit: & qui consolaretur... & non  
inueni. Cur, quomodo, id tulerit, hic  
expendendum. Compassio, patientia  
in desolatione.*

## De agonâ &amp; sudore Sanguineo.

VII.

Luc. 22.

I. Tertiū oranti Christo Domi-  
no apparuit Angelus de cœlo à  
Patre missus, confortans eum, propo-  
nendo illi passionis necessitatem, &  
secuturam inde Patris, ipsius, Electo-  
rumque gloriam, similesque alias ra-  
tiones, ipsi iam ante multò perspecti-  
simas. O quanta dignatio Filij altissi-  
mi, tam demissè solatum ab Angelo,  
pro conditione humana admittentis!  
minorari se paulò minus ab Angelis  
non indignè ferentis! idq; ut perspicue-

Q 4

osten-

ostenderet se verum esse hominem,  
solatio indigentem, veros se perpeti  
angores, & cruciatus contia quosdam  
hæreticos id perfidè negaturos: ut do-  
ceret nos, non de dignari etiā ab in-  
ferioribus subinde dirigi, & animari:  
Ut declararet, quanti aestimandum sit  
quodvis lumen & solatum, quantum  
vis minimum videatur, diuinitus no-  
bis communicatum, & quam certò  
perseuerantibus in oratione à Deo  
esperandum sit solatum & auxilium.  
Compassio, gratitudo, humilitas, &  
perseuerantia in oratione.

II. Factus in agoniâ, prolixiusque  
orans, eò doloris & angoris redigi se  
passus est, ut sanguineus sudor ex om-  
nibus eius venis. vbertim proruperit:  
*Et factus est sudor eius sicut gutta sangu-  
inis decurrentis in terram: idq; ob inter-  
num conflictum acerrimum vehe-  
mentissimorum affectuum, timoris &  
mœroris, quos firma apprehensione  
mortis, tormentorum, opprobrio-  
rum, aliorumq; malorum sibi suisque  
Electis imminentium sponte inten-  
debat; cum ignitissimis affectibus a-  
moris, & zeli gloriæ Patris, & salutis  
humanæ generis, quos similiter viuâ  
intuitione immutabilis decreti æterni*  
Patris,

Pars Secundæ

301

Patris, eiusdemque immensæ gloriæ,  
& tam inestimabilis, æternæque tot  
Electorum salvationis, & glorifica-  
tionis, ex passione sua consecuturæ  
vehementius accendebat. Et quidem  
hos intensissimos agonizæ dolores  
spontè suscepit Filius Dei, in se bea-  
tissimus, ob has causas: 1. Ut testare-  
tur, se, ceu verum hominem, verè  
mortem & cruciatus horrere, &, cum  
timorem & tristitiam cōhibere posset,  
velle nihilominus eiusmodi internum  
tolerare conflictum, ad nos instruen-  
dos, ut discamus temptationibus & pas-  
sionibus nostris, vsque ad sanguinem  
fortiter resistere; ingruentes. difficul-  
tates in via perfectionis præmeditari,  
animumque ad eas superandas obfir-  
mare, ne præsentes incertos nos ob-  
truant. 2. Ut excessum liberalissimi sui  
erga nos amoris declararet, per viuam  
apprehensionem omnium, quæ erat  
passurus, ex toto corpore cum ingenti  
dolore, instar myrræ primæ & pro-  
batissimæ, exprimendo sanguinem,  
priusquam à tortoribus, flagris, spinis,  
clavis violenter extraheretur, atque  
sic omnes dolores, & cruciatus sibi ab  
inimicis & carnificibus inferendos,  
spontè simul prælibando, non secus,

O s ac fū

*Meditationum*

ac si iam simul omnes experiretur. 3  
Ut grauitatem peccatorum nostros-  
rum, & diuinarum offendicarum nobis  
ob oculos poneret, non tantum lacry-  
mis sed & sanguineo sudore, & tam  
ineffabili doloris sensu eas in se expi-  
ando; ut, quam intensò dolore nobis  
expiandæ sint, exemplo suo doceret,  
gratiamque ad id copiosam impetra-  
ret. 4. Ut intimum compassionis sen-  
sum erga sanctos Martyres, aliosque  
Electos varijs tormentis & afflictioni-  
bus exercendos ostenderet, quorum  
omnium dolores in se suscipere & ex-  
periri volebat. O quam affectuosè tam  
amabili Salvatori tuo compati, quam  
seriò peccata detestari, quam ardentes  
redamare sic te amarem, & imitari  
meritò deberes? Compassio, compun-  
ctio, gratitudo, amor, resignatio, vi-  
ctoria sui in arduis.

III. Tertium surgit ab oratione ala-  
cer & paratus ad ebibendum amarissi-  
mum calicem passionis: discipulos pre-  
tristitia iterum dormientes instar in-  
dulgentissimi Patris aliquantis per si-  
nit quiescere: *Dormite iam & requiescite:*  
Et paulò post excitat. *Sufficit. Surgite,*  
*eamus hinc, ecce apropinquat, qui me tra-  
det.* O quanta illius bonitas, qui ut nor-  
bis,

bis requiem indulget, sibi curas & angores reseruat! quanta pro nobis patiendi auditas! quanta eius, quod in oratione concluserat, exsequendi alacritas! Amor, ardor patiendi, & proposita in praxin redigendi.

---

Dominica III. Quadragesimæ.

3. Hebdom.

De dæmonio muto. Luc. II.

Quadragesimæ.

Matth. 12.

I.

I. Christus Dæmonium ex muto & cœco ejicit, calumniantibus id Pharisæis, at turbis admirantibus. Quanta miseria, non solum quoad corpus, sed etiam quoad animam, potestati diaboli sic in hominem saeuentis subiacere? Quād detestanda inuidia, quæ, instar araneæ dulcedinem floris in venenum vertentis, ex bono semper elicit malum? quam amanda candida simplicitas, quæ omnia in meliorem partem interpretas, ex malo etiam elicit bonū! Quanta gratia spiritualiter à diabolica Tyrānde liberari, quanto maior preservari, quā impertit

O 6 Chri-